



Broj:05-04-8156-21/23 MG  
Sarajevo,31.05.2023.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničko pitanje zastupnice Sanele Klarić

Zastupnica Sanela Klarić, u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo“ broj: 41/12 – drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka), na Šestoj radnoj sjednici Skupštine Kantona Sarajevo, održanoj dana 29.03.2023.godine, u okviru tačke Dnevnog reda „Poslanička/zastupnička pitanja, inicijative i odgovori“, uputila je zastupničko pitanje:

**PITANJE:**

Poštovani, na osnovu člana 213. Poslovnika Skupštine Kantona Sarajevo („Službene novine Kantona Sarajevo“ broj: 41/12 – drugi novi prečišćeni tekst, 15/13, 47/13, 47/15, 48/16, 9/20, 14/20, 16/22) Vladi Kantona Sarajevo odnosno gore navedenom ministarstvu, zavodu i javnom preduzeću upućujem zastupnička pitanja nakon što sam dobila odgovore na moju inicijativu za trajno riješiti upravljanje građevinskim otpadom jer sam dobila nepotpune odgovore.

1. Inicijativa 1: Izrada Studije zbrinjavanja građevinskog otpada kojom bi se ažurirale lokacije za odlaganje građevinskog otpada te otpada iz iskopavanja, kao i analizirali kapaciteti na deponiji Smiljevići i potencijali reciklaže ovog otpada kako se ne bi otpad odlagao.

Pitanje: Nije dat odgovor da li su lokacije predložene, koje su to lokacije i koje količine otpada su dozvoljene za odlaganje, nije jasno da li se odobrava inicijativa ili ne?

2. Inicijativa 2: Planiranje i izgradnju reciklažnih dvorišta i odlagališta za građevinski otpad u okviru javnog preduzeća koje se bavi prikupljanjem i odlaganjem otpada.

Pitanje: Nije dat odgovor da li su planirana reciklažna dvorišta dovoljna (dovoljni kapaciteti za prihvata) i šta sa količinama koje nije moguće zbrinuti na reciklažnim dvorištima u RCUO Smiljevići ako su iste veće od onog što se koristi za prekrivku. Šta je plan?

## OBRAZLOŽENJE:

Nakon dobijenog odgovora imam potrebu da postavim dodatna pitanja na inicijativu koju sam poslala, jer u odgovoru nisam dobila konkretne informacije. Takođe se zahvaljujem jer ste usvojili inicijativu 3 i 4 i raduje me da ćete se ovim pitanjima nastaviti baviti na održiv i odgovoran način.

Nakon svake gradnje, rekonstrukcije, renoviranja ili rušenja objekta tokom nesreća, prirodnih nepogoda i katastrofa i prilikom proizvodnje građevinskih proizvoda, kao i otpad nastao iz iskopavanja prilikom različitih infrastrukturnih projekata, nastaje određena količina građevinskog otpada. Prvenstveno je riječ o mineraliziranom otpadu koji se mora sortirati kako bi se mogao reciklirati. Ukoliko se otpad na gradilištu ne prikuplja odvojeno, može doći do miješanja tvari poput boja i lakova, otapala, razrjeđivača, ulja i drugih kemikalija. Takav otpad zahtijeva pažljivo zbrinjavanje jer je potencijalno opasan za zdravlje, pa čak i život ljudi.

Postoje određene studije, pravilnici i nedovoljno prilagođeni zakonski okviri kojima se pokušava riješiti pitanje zbrinjavanja građevinskog otpada u BiH, FBiH, kao i na nivou Kantona Sarajevo, ali u suštini niti jedan od važećih propisa ne obezbjeđuje sveobuhvatni pristup kojim bi se maksimalno zahtijevalo da se građevinski otpad ponovo koristi, reciklira ili koristi kao dragocjeni resurs u proizvodnji drugih građevinskih materijala. Građevinske kompanije imaju ogromne probleme jer važećim propisima se zahtijeva tretiranje otpada ali radi nerazvijene infrastrukture reciklažnih centara i dodatnih pogodnosti sav građevinski otpad se samo deponuje, čak i na nepropisanim lokacijama.

Građevinski otpad moramo posmatrati kao resurs koji može obezbijediti nova radna mjesta a da ne govorimo o benefitima za okoliš. Izgradnjom postrojenja za reciklažu građevinskog otpada omogućava se da se šuta, betonski lom, cigla, stolarija, te ostali otpad s gradilišta, nakon selekcije i odvajanja, prerađuje u reciklirani materijal. Korištenjem recikliranog materijala sprečava se trajno uništavanje prirodnih resursa te se podržava lokalna ekonomija, podržavaju start-up i inovacije. Jedan od primjera je uspješan projekat u Hrvatskoj <https://www.eco-sandwich.hr/hr//>.

## ODGOVOR:

U odgovoru od 28.02.2023.godine naveli smo strateška opredjeljenja za zbrinjavanje građevinskog otpada u Kantonu Sarajevo, kao i lokacije za reciklažno dvorište i deponiju za građevinski otpad.

Predmetnom inicijativom tražite ažuriranje lokacija za odlaganje građevinskog otpada, te otpada iz iskopavanja, kao i analizu kapaciteta i potencijala reciklaže ovog otpada kako se ne bi otpad odlagao, te kapaciteta reciklažnih dvorišta i odlagališta za građevinski otpad u okviru javnog preduzeća koje se bavi prikupljanjem i odlaganjem otpada, kroz izradu Studije zbrinjavanja građevinskog otpada.

Inicijativa se načelno prihvata, s tim da nije planirana izrada Studije zbrinjavanja građevinskog otpada.

Predložene aktivnosti će biti predmet dokumenata koji će prethoditi izradi Plana upravljanja otpadom Kantona Sarajevo.



Plan upravljanja otpadom je strateški dokument definisan članom 9. Zakona o upravljanju otpadom („Službene novine Federacije BiH” br. 33/03, 72/09, 92/17), a koji mora biti usaglašen sa Strategijom zaštite okoliša Federacije BiH i Federalnim planom upravljanja otpadom.

S obzirom na to, da je Federalna strategija zaštite okoliša usvojena od strane Vlade Federacije BiH, Kanton Sarajevo može pristupiti izradi plana upravljanja otpadom u 2024.godini.

Plan upravljanja otpadom Kantona Sarajevo će obuhvatiti analizu postojećeg stanja u upravljanju otpadom u Kantonu Sarajevo, te plan organizovanja sistema upravljanja otpadom za sve vrste otpada koji se proizvode u Kantonu Sarajevo.

Prema Federalnoj strategiji upravljanja otpadom, strateški cilj upravljanja otpadom za period 2022.-2032. je smanjiti količinu otpada i povećati količinu ponovno upotrijebljenih materijala.

Što se tiče građevinskog otpada, cilj je unaprijediti sistem prikupljanja i ponovnog korištenja građevinskog otpada kroz aktivnosti poput:

- planiranja i izgradnje reciklažnih dvorišta i odlagališta za građevinski otpad;
- donošenja standarda i propisa o građevinskim materijalima kojima se ukida status otpada u skladu s Pravilnikom o građevinskom otpadu (SN FBIH 93/19);
- pripreme smjernica za zelenu/održivu gradnju u kojima bi se nalazile informacije o metodama i tehnikama smanjenja nastanka građevinskog otpada (ponovno korištenje materijala, prilagodljivost, raznjena materijala, korištenje manje toksičnih materijala).

Izrada plana upravljanja otpadom Kantona Sarajevo će biti planirana u Programu rada Ministarstva komunalne privrede, infrastrukture, prostornog uređenja, građenja i zaštite okoliša za 2024.godinu.



Dostaviti:

- Predsjedavajući Skupštine Kantona Sarajevo
- Služba za skupštinske poslove
- Stručna služba Vlade Kantona Sarajevo
- Evidencija
- a/a